

中國五族

府州縣

軍國軍民

中國知能

府州縣

集圖集

孝章曰肅宗是後踵前孝和曰穆宗孝安曰恭宗孝順曰敬宗孝桓曰威宗唯殤冲質三少帝皆以在位不踰一年不列於宗廟四時就陵上祭寢而已已上並蔡邕本文三輔舊事曰光武之興宗廟爲墟乃聚十二廟合於高廟作十二室太常卿一人別治長安主知高廟事則是西都十二帝始各有廟至此合爲一廟仍在長安不在洛陽也唐會要大中三年楊發等議廟則曰光武都洛遣鄧禹入關奉高祖已下

五陵七遷

班孟堅西都賦曰南望杜霸北眺五陵李善曰宣帝葬杜

陵文帝霸陵惠帝安陵景帝陽陵武帝茂陵昭帝平陵又
曰三選七遷謂選三等之人而遷處七陵至元帝乃始不
遷凡善此之所引皆漢實也然七帝七陵亦嘗遷其人而
獨曰北眺五陵者劉良曰高惠景武昭五陵在北其說是
也在北者在渭之北也若霸陵則在渭南矣杜預則言南
望而五陵皆言北眺也後世言陵邑之盛人物之衆但曰
五陵者語順也劉裕入關父老言之曰五陵聯絡是君家
墳墓蓋從稱謂便者謂之非有去取也

七太子廟

天寶間以隱太子等七太子立廟于永崇坊

雍錄卷之九

太子

唐東宮園

新安程大昌泰之著
錫山安國民泰校刊

崇文館

制米制器

射殿

承恩殿

六仁月

八風殿

光大殿

右春坊

重明門

明德殿

崇文殿

崇教殿

宣秋宮門

奉義門

崇仁殿

麗正殿

左春坊

右春坊

太子宮 博望苑 思賢苑

元帝在太子宫生成帝於甲觀畫堂又元后初入宮見太子丙殿則是太子別有一宮矣成帝爲太子而在桂宮出龍樓門龍樓門者桂宮之門太子適居于此非本宮也武帝爲戾太子立博望苑使通賓客苑在漢長安城外漕渠之北或云在南至唐則爲長安縣北五里此特招致賓客之所耳太子之奔湖也斫覆盎城門而出覆盎門者漢城南面東頭第一門也苑在門外而太子斫門以出者則知博望非常居之地也此苑直至成帝乃始撤去西京雜記曰文帝爲太子立思賢苑它書皆無載者不知苑屬何地

雍錄

卷九

二

龍樓馳道

秦人馳道之麗賈山常刺其奢而不能發明其制黃圖曰
秦本紀注曰馳道天子道也蔡邕曰馳道天子所行道也
今謂之中道漢甘泉去長安三百里而馳道亦綿亘其間
也漢令諸侯有制得行馳道中者行旁道無得行中央三
丈不如令沒入其車馬故江充爲直指使者自公主以及
太子家使凡行馳道者嘗舉用此法取其車馬而沒入之
則馳道有禁尙矣黃圖云三塗洞開班固西都賦云披三
條之廣路張衡西京賦云城郭之別旁開三門參塗夷庭
方軌十二街衢相經蓋衢路皆有三條是爲三塗三塗正

中一條爲馳道則有禁不得橫絕若兩旁則皆無禁也漢紀曰成帝之爲太子也嘗處桂宮適被急召出龍樓門不敢橫絕馳道西至直城門得絕乃度還入作室門夫直城門者長安城西面南來第二門也龍樓門者桂宮之門也作室門者未央宮之別門也桂宮南面有龍樓門未央北面有作室門兩門相對從龍樓門南自可對趨作室以入未央而中有馳道太子不敢橫絕

卽礙中間三丈不敢自

故必迂回避礙而望西趨南以

至直門遂可自馳道外過至此則法不應避故曰得絕也惟許其絕乃始可度也其曰還入作室門者言初時可以

雍錄

卷九

三

取徑而有礙不敢橫越至自直門得絕乃始可入故曰還入也直門得絕之制今不知其詳矣若其始而不敢橫絕知有禁也終而得絕乃度則是並城之地雖礙馳道亦得橫絕也不如是則馳道常爲限隔凡城中街衢相爲東西者皆不可通矣史語具在有方向禁否可以追言也水經追書皆曰直門卽龍樓門予曰非也龍樓直門惟其不爲一門故龍樓之前馳道不得橫絕而直門之側馳道遂可橫絕也若兩門本是一門則同礙馳道何爲直門可絕而龍樓門乃不可絕也此自可以理推也龍樓門云者張晏謂門樓有銅龍其說是矣顧不當在直門之上而當在桂

宮門上耳此又理之可推者也作室者未央宮西北織室
暴室之類黃圖謂爲尙方工作之所者也作室門則工徒
出入之門也王莽傳莽在未央宮朱魚等燒作室門斧敬
法闢入殿求莽則知作室門蓋未央之便門也

唐東宮

唐東宮在太極宮中自承天門而東其第三門曰重福門
者卽東宮正門也

長安志

其殿曰明德殿者本顯德殿也

太宗卽位于此殿而高宗亦以貞觀二年生于麗正殿則
麗正顯德皆在東宮也中宗爲太子名顯故改爲明德

長

安志

馬周曰大安宮在宮城之西太子乃處城中其謂城

雍錄

卷九

四

中者指重明顯德在太極宮城之內者也太宗愛魏王泰

貞觀十六年固嘗徙處武德殿

武德殿在太極宮

魏徵遂

明其有嫌曰武德殿在東宮之西海陵昔嘗居之人不以爲可太宗令泰歸第此唐世東宮方鄉也若東宮官屬如左右春坊及左右率府則盡在安上門之西中有街巷它官寺閒乎其間不與重明宮相綴也

此據呂圖云耳亦與

它不同

長安志曰太子不居東宮但居乘輿所幸之別院太子元子亦分院而居故太子事迹著宮城之內者少也

苑囿

上林疆境

甘泉苑

秦之上林其邊際所抵難以詳究矣水經於宜春觀曰此秦上林故地也史記載上林所起曰作朝宮渭南上林苑中先作阿房前殿則宜春觀阿房宮皆秦苑故也也武帝尚以秦苑爲狹命吾丘壽王舉藉阿城以南鰲屋以東宜春以西悉除爲苑則所拓比秦益汰矣以漢唐郡縣言之則鰲屋一縣不盡入苑而鄠杜兩縣悉歸包并矣其曰舉藉阿城以南而阿城之北則不在數是其疆境至渭水南岸而極也至揚雄則曰武帝廣開上林南至宜春師古曰西在杜縣東卽曲江池鼎湖宮名在藍田御宿川名在樊川吾長楊五柞宮名在鰲屋並南山終南北繞黃山宮

雍錄

卷九

五

雍錄

卷九

五

在渭北興平縣

瀕渭而東則苑境不止限乎渭南矣蓋謂

踰渭而北北又向東皆爲苑地也此雄之誤也渭北有苑
百八十里向西而入扶風周回五百餘里此則渭北之苑
也以舊儀黃圖考之自名甘泉苑不名上林苑也當是揚
雄但見夾渭南北皆有苑矣而渭北之苑又復有宮如黃
山宮之類故誤包言之耳東方朔傳壽王所籍截自阿城
以南元不跨渭此最疆境要證也張衡賦西京上林曰繞
黃山而款牛首牛首可款矣而黃山可繞乃其據行幸言
之非上林位置也惟其侈大如是故世之傳言不一在宮
殿䟽則曰方百四十里在揚雄則曰周袤數百里漢儀則

曰方三百里也語之多少雖不齊等要之拓地既廣故說者亦遂展轉加侈也高帝開漢之二年命秦苑囿園池令民得田之則上林也者宜在許田之數矣至十二年蕭何爲民請上林中空地令民得田毋收蕐爲獸食則是許人田作之地尙收秸蕐故何之丐除者賦之出輸蕐者也百官表置令丞嗇夫以爲定員則上林常爲禁苑未嘗與民也方高帝時民口尙希荒萊未盡闢故苑中尙有空地可請至武帝時民齒蕃息耕鑿益廣凡壽王舉籍之地皆苑外熟成之業也故帝又詔中尉左右內史表屬縣草田以償鄠杜之民也夫取其成業而酬以草田則與籍奪何異

雍錄

卷九

六

東方朔尙能直言其情然不能救也漢舊儀曰武帝使上林苑中官奴婢及天下貧民貲不滿五萬徙置苑中人日五錢後得七十億萬錢以給軍擊西域則雖許業苑仍使輸錢也詳其意制則猶今之佃作也至元帝時乃始捐下苑以予貧民揚雄傳謂割其三垂者始是舉以予民也

上林賦一

相如之賦上林也固嘗明著其指曰此爲亡是公之言也亡是公者明無此人也夫旣本無此人則凡其所賦之語何往而不爲烏有也知其烏有而以實錄責之故所向駭礙也武帝之有上林也本秦故地以秦苑爲小又從而開

雍錄

卷九

七

拓之正放秦而有加者也始皇既并天下志得意廣則遂狹隘先王之宮庭而大加剏治東既極河西又抵汧終南之北九峻之陽數百里間宮觀二百七十複道甬道相連窮年忘歸猶不能徧乃又表南山以爲闕立石東海朐山以爲東門其意蓋曰闕不足爲也南山卽吾之闕也門不足立也朐山卽爲吾門也此其侈大蓋武帝之所師也所師在是苟有諫者不順其欲而逆折其爲則彼有坐睡唾擲而已無自而入也故相如始而置辭也包四海而入之苑內其在賦體固可命爲數敍矣而夸張飛動正是縱史使爲故揚雄指之爲勸也夫旣先出此勸以中帝欲帝旣